



Broj: 04-40-1-318/21
Sarajevo, 15.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 14.11.2021. do 08:30 sati 15.11.2021. godine

U toku jučerašnjeg dana službe zaštite i spašavanja Kantona Sarajevo, kao i službe zaštite i spašavanja općina Stari Grad, Centar i Novo Sarajevo nisu bili angažovani na otklanjanju i saniranju posljedica od poplava jer općine s ugroženih područja nisu iskazale potrebe za njihovim angažovanjem.

Općina Ilidža

Tokom jučerašnjeg dana, rađeno je na saniranju korita rijeka te čišćenju saobraćajnica i individualnih stambenih objekata. Također, nastavljeni su radovi na sanaciji pješačkog mosta. Komisije za procjenu šteta Općine Ilidža, vrše obilazak terena te prikupljaju potrebne podatke.

Općina Vogošća

U odnosu na prethodni izvještaj izvršen je značajan broj aktivnosti i mjera na suzbijanju šteta i posljedica poplava. U protekla 72 sata izvršen je obilazak ugroženog terena i konstatovano je da se stanje popravlja u odnosu na prethodni izvještaj. Rijeka Bosna se povukla u svoje korito. Više puta izvršen je obilazak klizišta Mehtefčići zbog prijave građana o promjenama na terenu. Uvidom na licu



mjesta utvrđeno je da je došlo do oštećenja lokalnog puta u dužini 30 metara. Odmah je kontaktiran izvođač radova na sanaciji klizišta Mehtefčići. Izvođač je u petak 12.11.2021. godine izvršio djelimičnu sanaciju oštećenja time što je skinuo asfaltnu površinu i nasuo tampon.

Izvođač radova za hitne intervencije je angažovan u subotu 13.11.2021. godine u ulici Nova željeznička stanica da izvrši uklanjanje nasipa.

Komisija za procjenu šteta radila je u petak na terenu prema prijavama građana općine Vogošća koji su pretrpjeli štete usljed poplava, a u večernjim satima je nastavila rad u zgradi Općine Vogošća na analizi i procjeni registrovanih šteta.

U protekla 72 sata broj Operativnog centra civilne zaštite Općine Vogošća je bio preusmjeren na broj mobilnog telefona službenika u Operativnom centru. Za taj period nije bilo poziva.

Općina Ilijaš

Na osnovu Odluke o proglašenju stanja prirodne i druge nesreće na području općine Ilijaš, broj 08/40-2443/21 dana 06.11.2021. godine, a u cilju otklanjanja posljedica prirodne nesreće angažovano je šest građevinskih mašina (dva skipa, jedan CAT 308 i tri kamiona) sa ljudstvom koji su radili na čišćenju nanosa blata i sanacija puta u naseljima Bare i Jelica u MZ Srednje. U toku je i sanacija klizišta u naselju Ribarićima u MZ Luka, dok se kontinuirano provode preventivne mjere na klizištu u Ljubnićima.

Od Općinskih službi civilne zaštite: Novi Grad, Trnovo i Vogošća i Ilijaš smo obavješteni da su njihove organizovane strukture civile zaštite (općinski štabovi civilne zaštite, općinske službe zaštite i spašavanja, povjerenici civilne zaštite, komisije za procjenu šteta i općinska javna preduzeća) u skladu sa odlukama o proglašenju stanja prirodne i druge nesreće na području svojih općina u toku dana bile angažovane na otklanjanju i saniranju posljedica od poplava na ugroženim područjima.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 13.11.2021. godine u 10:38 sati od Policijske stanice Novi Grad, da je u ul. Smaila Šikala br. 215., pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su tri manje intervencije i to: jedna intervencija na gašenju zapaljenog automobila, jedna na gašenju zapaljenog dimnjaka i jedna tehnička intervencija (zaglavljani lift u stambenoj zgradi).

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 8°C, vlažnost zraka 87%, barometarski pritisak 945,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1